


TE KURA KAUPAPA MĀORI O WAIRARAPA

TE PŪTĀTARA



MŌHENI WAHANGA 2 WIKI 8 2023

Tēnā koutou e te whānau,

Nau mai ki to tātou mōheni mo te wāhanga tuarua mō te wiki 8! Tiro atu ki tō mātou whārangi pukamata mō ētahi atu pānui.

pg.3

HE KŌRERO NĀ TE TUMUAKI

pg.4–6

HE PĀNUI

pg.7

TE AHO MATUA

pg.8

NGĀ UARA O TŌ TĀTOU KURA

pg.9–13

NGĀ AKOMANGA:

KURA NOHINOHI

KURA TEINA

KURA WAENGA

WHAREKURA

pg.14–15

HĀKINAKINA

Pg.16–17

KAPA HAKA

pg.18

TE REO MĀORI

pg.19

TUTAKI KAIAKO/KAIĀWHINA



TĒNĀ TĀTOU E TE WHĀNAU - KA NUI RĀ NGĀ MIHI MAHANA, NGĀ MIHI MATAKUIKUI KI A TĀTOU KATOĀ. E HIKA KO TE TERE RERE O TE WĀ - E RUA ANAKE NGĀ WIKI E TOE ANA KI A TĀTOU I TĒNEI WĀHANGA KĀTAHI KA HARAREI.

HE NUI TONU TE MAHI A Ā TĀTOU TAMARIKI - ATU I TE MAHIMAHI AKOAKO KUA TĪMATA MAI NGĀ WHAKAHARATAU KAPA HAKA A TE WHAREKURA - KA TŪ TAHI RĀTOU ME NGĀ KKM O NGĀ MOKOPUNA, MANA TAMARIKI ME TAMAKI NUI Ā-RUA. HEI A MUTUNGA O AKUHATA TŪ AI RĀTOU KI TE PAPA TŪ WAEWAE KI TE PAPAIOEA. KOIA ANŌ TE MAHI A NGĀ PUĀWAI O TE KURA - HE AKO WAIATA HOU, HE WHAKAHARATAU, HE WHAKARITE I A RĀTOU MŌ TE WHAKATAETAE Ā-MOTU KA TŪ AI HEI TE MUTUNGA O OKETOPA.

HE NUI ANŌ TE MAHI I TĒNEI WĀ KI TE WHAKAMĀTAU I TE HIKO ME TE WHENUA KIA RITE PAI MŌ NGĀ AKOMANGA HOU KA TAE MAI HEI A TE MUTUNGA O TĒNEI TAU - E AI KI TE KŌRERO KA RITE NGĀ AKOMANGA HOU MŌ TE RĀ TUATAHI O TE TAU HOU - TAIHOA AKE I ĒTAHI ANŌ KŌRERO ME ĒTAHI WHAKAAHUA.

HEI WHAKAKAPINGA MĀKU, KA NUI RAWA TE MIHI KI TE HUNGA KUA WHAKAPAU KAHA I NGĀ WIKI KUA TAHA AKE NEI KI TE AKO I TE REO - KA TŪ TĀ TĀTOU WĀNANGA AHO MATUA I TĒNEI MUTUNGA WIKI - HEOI KI TE WĀTEA KOE, HAERE MAI!
NĀKU ITI NEI
WHAEA PIP

HE KŌRERO NĀ TE TUMUAKI



He pānui

If you are not yet connected to our Facebook page, please jump on and join up



TE KURA KAUPAPA
MAORI O WAIRARAPA
WHARANGI PUKA MATĀ

WINTER UNIFORM



KAKAHU KURA

KURA TUATAHI

TERM 2 & 3 IS WINTER UNIFORM
PLEASE CONTACT THE TARI IF
YOU HAVE QUESTIONS ABOUT
UNIFORM.



WHAREKURA

WANANGA AHO MATUA

TKKM o Wairarapa - Kahurangi (Hall)

NAU MAI, HAERE MAI

FRIDAY 16 JUNE 6PM TO 9PM

SATURDAY 17 JUNE 10AM TO 6PM

CHILDCARE PROVIDED

X5 \$100 AND X5 \$50 PAK N SAVE
VOUCHERS TO BE WON

TE AHO MATUA

- Te Aho Matua is the underpinning philosophy of our kura
- Te Aho Matua forms the basis of our curriculum
- The wānanga will be facilitated by Rāwiiri and Renee Wright and is a fantastic way of learning about Kura Kaupapa.



Nau mai, Haere mai ki te
Hui whakamana

Friday 30th June 2023

2pm

Kahurangi

TERM 3

KURA STARTS BACK ON:

Monday 17th July at 8.45am

Pōhiri for our new kaiako and students will be
at 10am in Kahurangi.

Matariki Huihuringa

6.30am 30o Hune 2023



Nau mai ki te whakanui i a Matariki ki tō tātou nei toha hei a te 30 o Hune.

6.30am	Karakia
7.00am	Whakatō rākau ki te whira
8.00am	Parakuihi
8.45am	Wehe atu i te kura ki Rangitūmau
9.15am	Kake ake i tō tātou maunga tūpuna o Rangitūmau
1.30pm	Hoki ki te kura
2pm	Ka mutu te kura - hoki ki te kāinga

Please note early start and early finish on this date.

We will need whānau support for hikoi up Rangitūmau - if you are wanting to come and mihi to our tūpuna maunga with us please let whaea Pip know by 23 June at the latest.



Te Ahu o
te Reo Māori

*Piki mai, kake mai ki Te Ahu o te Reo Māori
He kaupapa whakawhanake reo e whakahaerehia ana e
Te Ataarangi me
Te Rūnanga Nui o Ngā Kura Kaupapa Māori o Aotearoa*

**Terenga 2
17 Hūrae - 01 Tihema
2023**



Kaiwhakahaere Matua mō Te Ataarangi
Kere Mitai - kere.mitai@teataarangi.org.nz



Poumatua mō Te Ahu o te Reo Māori
Katarina Mako - katarina@runanga.co.nz

ENROLMENTS ARE NOW OPEN FOR OUR
SECOND ROUND OF REO CLASSES - THESE
RUN ON TUESDAY EVENINGS FROM 6-8PM.
CHILDCARE IS AVAILABLE - IF YOU WOULD LIKE
MORE INFORMATION PLEASE CONTACT PIP.

TE AHO MATUA

Tamariki wāwāhi tahā aratakina ki te mātāpuna o te mōhio, o te ora, o te maungārongo.

Whaia te iti kahurangi ki te tuohu koe me he maunga teitei.

Āhuatanga Ako 5.3: he mea whakahihi i te tamaiti te noho o te pakeke ki tōnā taha hei toko mona i roto i ana mahi. Heoi ano, ko te awhi ko te tautoko i a ia. Engari kia kaua e riro mā te pakeke e mahi i te mahi a te tamaiti.



"Ruia te taitea, Kohia te rangiura"

Ngā Uara "Rangatiratanga"



Ko ngā mea e kite ana i roto i te Rangatiratanga ko te akiaki o te tuakana me te tēina, te kaikōtuitui, te hāpai i ngā mahi ā kui mā, ā koro mā. Ka rāngona i ngā mātāpono o Te Aho Matua ki roto i ngā akoranga o te tamaiti mā roto mai i ngā kōrero i ngā karakia i ngā waiata anō hoki.

Te Tino Uaratanga

6.12 Kia tu pakari, tu rangatira ia hei raukura mo tona iwi.



KURA NOHINOHI

Mānawa maiea te putanga o
Matariki

Mānawa maiea te arikio te rangi
Mānawa maiea te Mātahi o te Tau

I tēnei wāhanga kua ako mātou o
Kura Nohinohi e pā ana ki a
Matariki, nā te hiahia mōhio o ngā
tamariki. Ia wiki kua ako tātou e
pā ana ki tētahi whetū o te kahui
whetū o Matariki.

Mānawatia a Matariki



Kura Teina Wahanga 2 2023



Te Rā Kaumātua

I whakarite a Kura Teina he rā Kaumātua, hei whakanui i a rātou. I tae mai te tini me te mano. He rangi mīharo mā ngā tamariki ki te noho tahi ki ō rātou kaumatua, ā, whānau āno hoki. He whakawhānaunga, he kai, he waiata he whakangāhau ētahi o ngā mahi mīharo i whakameno atu ki te hunga kaumātua.

He aha te mea nui o te ao?
He tangata, he tangata, he tangata



Kura Waenga

Te korekore i takea mai te pō, te kitea, te tangotango, pō whāwhā ki te whaiāo ki te ao mārama. Ka wehea a Rangi ki runga, ka waiho a Papa ki raro te putanga mai o wātea. Whakapupū ana te uru o te whenua, ka tū ki tipua, ka tū ki tawhito, ka tū ki māneanea. Whakaeaea ana te uru o te tangata, ka notia, ka herea, ka whamanā, i...e...Tāne te waiora e... nō te here o te rangi ki te whenua i takea mai te ira-tangataTīhei mauri ora!

E kaha ana a Kura Waenga ki te ako karakia hou hei tāpiri atu ki ngā karakia kua mau kē i a rātou. Hei tāpiri atu ki te karakia, kei te titiro ngā tamariki ki te kaupeka o tēnei wā, arā, te hōtoke me ōna āhuatanga. Ka tirohia ngā tipu ka taea te whakatō. Nā reira i tirohia te kūmara. I tirohia tōna whakapapa, tōna taenga mai ki Aotearoa, ngā momo kūmara me ngā mātauranga o ngā tīpuna mō te whakatō kūmara. I tirohia hoki ngā kōrero mō te kāroti.



WHAREKURA

TAM 5.7 HE MEA NUI TĒRĀ TE MANAAKI TĀNGATA. KIA KITE NGĀ TAMARIKI I TE ĀHUA O TE MANAAKI, I TŌNA KĀINGA, I TE KURA, I TE MARAE. A TŌNA WĀ KIA TŪ RĀTOU KIA ĀWHINA I NGĀ MAHI MANAAKI.



I haere mātou te wharekura ki te Kura Kauapa Māori o Ngā Mokopuna, ki te hāpai i te kaupapa o te rā, arā, ko Te Huinga Kereme Ohotata, otirā ki te tautoko i ngā kōrero o Matua Hohepa Campbell. Nei rā te mihi maioha ki a koutou ngā puanani o te mātauranga kiā mātou Te Kura Kaupapa Māori o Wairarapa, mō ā koutou mahi manaaki.

I haere te akomanga pāpāho ki tētahi wānanga mō te kaupapa hanga kiriata. Ko ngā pūkenga i puta ki tēnei kaupapa ko te mōhio ki te whakaputanga me te kapo kiriata. He whakaraupapa kaupapa me te mōhio ki ngā āhuetanga maha mō ngā momo kiriata. E mihi ana ki a Chris Widdup te kaiwhakahaere.

I tēnei wāhanga i haere ngā tuakana o te Wharekura ki te Mātau a Māui ki Te Kura Kaupapa Māori o Ngāti Kahungunu ki Heretaunga ki te hāpai i ngā mātapono o te Aho Matua, ki te kaupapa hirahira o te tau, āra, ko te Huinga Reo. Ko ngā mahi ki te Huinga Reo ko te ako waiata, ako kēmu hōu, mahi whaakari, me te whakapakari ake i tō tātou reo Māori.



HĀKINAKINA - KURA TUATAHI POITARAWHITI + OMA AHUWHENUA



TE IRA TANGATA

**Ahakoā he iti, he iti māpihi
pounamu.**

**Hūtia te rito o te harakeke kei whea
te kōmako e kō. Ki mai ki ahau, he
aha te mea nui o te ao? Māku e kī
atu He tangata, he tangata, he
tangata!**



**Mihinui ki te hunga whānau kua
tautoko mai i ngā tamariki. Mei
kore ake ko koutou ka ngaro atu
ngā mahi nei.**



Hakinakina wharekura



WHUTUPORO

Kua tīmata ngā kēmu whutupōro, i ngā Rāhoroi i tākaro a Melita ki te tīma o Pioneer. I tākoro hoki a Aromea mō tētahi tīma kōhine mō ngā kura tuarua ki te Wairarapa. Whītiki tāua!

OMA AHU WHENUA

I uru atu a Te Koha rātou ko Jordan ko Tuteremoana ko Maika ko Piriniha ko Jay Morris ki te hākina oma ahū whenua ā rohe. I eke pānuku a Tuteremoana!

POITUKOHU

I tīmata te hākina Poitukohu mō ngā kōtiro o te Wharekura, i wikitoria mātou i tō mātou kēmu tuatahi ka rawe kōhine mā!!!



Ngā Puāwai o Te Kura Kaupapa Māori o Wairarapa

I tenei wāhanga kei te whakaharatau a Ngā Puāwai o Te Kura Kaupapa Māori o Wairarapa i ngā waiata mō te whakataetae ā motu ki Whakaatu. Kua ako e rātou te poi, te tira me te Mōteatea. Kua tāpiri tētahi kiriata ki te whārangi pukamata o te Kura, tēnā, tiro atu!



Te Aho o Whātonga






I tēnei wāhanga kua timata ngā whakaharatau kapa haka mō te rōpu o Te Aho o Whātonga. Kua rua ngā noho kua hori ake, e toru ngā wānanga e haere ake nei kātahi ka tū ki te whakakakahu. Ka rua wiki whai muri ka tū ki te Pae Taiohi ki roto o Te Papaioea hei te Rāhoroi 26 o Hereturikoka.



TE REO MĀORI

Colour in **ngā reta** (letters) while saying them out loud.



Tūtaki

CIARN DALEY

KAIĀWHINA MŌ KURA TEINA



Tēnei au he uri nō Ngāi Taneroa e puaki ana,
Hīkoi ana au ki runga i tōku maunga
o Maungarake kia purea e ngā hau o Tāwhiri,
Tūhonohono ana ngā tapuwae ki
ngā toka mauri o tōku awa, kia rere mai ko
ngā wai kānapanapa o Ruamahanga,
Karanga mai au e tōku iwi o
Ngāti Kahungunu,

kia noho haumaru ki raro i tōku whare tīpuna o
Hurunui-o-Rangi,
Karapotia e au ki roto i ngā muka o te
harakeke me ngā huruhuru o te manu o tōku
tipuna a Ngahina Pohatu Namana,
Tenei au nō Te Karu-o-te-Ika,
Ka rarapa ngā kanohi,
ko Wairarapa,
Wairarapa ki uta,
Wairarapa ki tai



Nā tōku kuia a Nanny Mizpah au i whakatipu. I noho au hei pīpī paopao
mō Te Kōhanga Reo o Ngā Waka. Ko au hoki tētahi o ngā raukura o te
Kura nei tae atu ki te Wharekura, ā, i wehe au ki te rohe o Taranaki noho
ai ki te whai i te toenga o tōku tūnga kura tuarua. I te tau 2011, I nuku au
ki Te Waipounamu ki te whai tohu hei Kaitunu Kai.

Tekau mā tahi tau au e whakapau weraweara ana ki te kīhini.
Tokowhā ōku tamariki, ko Jeidah-Shanice (10), Vixen-Chavez (7), Swayde/
TJ (5), Kaya-Rose (3). Kātahi anō au ka whakahoki mai i tōku whānau ki te
haukāinga ki te whakamāori i tō mātou ao, te ao o ōku pepi hoki, kia
hāpai i ngā mahi a o mātou tīpuna, kia tū hei māngai mō tōku iwi.